

Fundacion Desaroyo Educativo Comunitario ta celebra 15 aña



Riba combinacion di potretnan por mira mas di e alumnonan di FDEC dunando nan presentacion.

ORANJESTAD- Dia 26 di November 1997 Fundacion Desaroyo Educativo Comunitario a ser funda oficialmente despues di a funciona como proyecto piloto pa un aña den districtonan di Aruba, pa promove e practica di arte, musica y recreacion sano. Awor celebrando pues su di 15 aña como fundacion, FDEC ta extende un invitacion na interesadonan y publico en general pa bin cera **conoci cu FDEC mas di cerca.**

FDEC na Carubbian Festival:
Diahuebs awor di 25 di October, cuater (4) ensemble (conhunto musical) bou guia di docentenan di FDEC ta presenta na Carubbian Festival. E secuencia ta lo siguiente; pa 6.30pm tin ensemble di guitarra y cuarta bou guia di Buchi Boekhoudt y Ipi Martis, pa 7pm ensemble Latin y pop bouguia di VioWest-er, pa 7.30pm tin ensemble di fusion y rock bou guia di Derrick Lopez, pa 9.00pm tin e big band di FDEC bou guia di Reinaldo Suarez y Lucio Rivadeneira.

Open house:

Fuera di esaki tin atardinan di 'Cas habri' (open house) pa bin wak FDEC su lesnan libremente. E atardinan ta entre 2.30 pa 6'or riba e proximo fecha-y localidadnan.

- Diasabra 27 di oktober na Paradera, Pastoor Kranwinkel.
- Diabierna 2 di November na San Nicolas, St. Augustinus College.
- Diahuebs 8 di November na Noord, St. Aloysius school.
- Diaranson 14 di November na Savaneta, Colegio Sagrado Curazon.
- Diamars 20 di November na St. Cruz, EPB.
- Dialuna 26 di November na Playa, Scol Paso pa Futuro.

Por ultimo ta anuncia cu dia 2 di December lo tin un atardi di celebracion combina cu musica, baile y standnan. Alumno lo deleita cu musica live, lo tin DJ y pista di baile lo ta habri di comienso te fin. Mas di esaki lo ser anuncia mas despues pero no perde e chens di acudi na Carubbian y e dianan di 'Cas Habri' menciona. □